

Oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut inatsisartut peqqussutaat nr. 14, 1. november 1982-meersoq

§ 1. Kalaalit Nunaanni Peqqinnissamik isumaginnittoqarfiup Siulersuisuisa isumaqatigiissuteqarfiginerat naapertorlugu Kalaallit Nunaanni kommunini oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut malittarisassat peqqussummi matumani aalajangersarneqarput.

§ 2. Kommunalbestyrelsip kommunimi oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut ileqqoreqqusaliornissaq 1. april 1984 tikitsinnagu isumagissavaa.

Imm. 2. Ileqqoreqqusaq Isumaginninnermi Naalackersuisumit akuerineqaqqaartussaavoq, taannalu oqartussaasoqarfiit assigiinngitsunik suleqatigiinnissaannik siunertaq ileqqoreqqusami naammattumik anguniarneqanngitsutut isigiguniuk allanngortinneqarnissaanik piumasaqarnissaminut piginnaatitaavoq.

§ 3. Oqartussaasoqarfiit assigiinngitsunik suliallit suleqatigiinnissaanni minnerpaamik piumasarineqarpoq najukkami peqqinnissamik isumaginnittoqarfiup, meeqqat atuarfiata kiisalu isumaginninnermik ingerlatsiviup sinniisaasa aalajangersimasumik ataatsimeeqatigiittarnissaat malittarisassaqartinneqassasoq.

Imm. 2. Aammattaq pinerluttaalisitsisut, pinerluuteqarsimasunik isumaginnittoqarfik kiisalu suliffissarsiuussisarfik suleqatigiinnermi peqataatinneqarsinnaapput.

§ 4. Oqartussaasoqarfiit assigiinngitsunik suliallit suleqatigiinnissaanni siunertarineqarpoq oqartussaasoqarfiit meeqqat inuusuttullu, innarluutillit kiisalu inuit atugarisamikkut inuutissarsiornikkullu ajornartorsiutillit pillugit suliassat suliarinerini paasissutissanik isummanillu tunioraannermikkut aalajangiiniarnerminnut pitsaanagerusumik tunngavissaqalissasut, aammalu oqartussaasoqarfiit ataasiakkaat suliniutaat ataqatigiissarneqassasut.

§ 5. Attaveqaatitut ataatsimiititat imaluunniit suleqatigiiffiit sanilliunneqarsinnaasut allat peqqussut manna naapertorlugu pilersinneqartut oqartussaasoqarfiit suleqatigiinnermi peqataasut sinnerlugit namminerisaminnik aalajangiinnaassusilerneqarsinnaanngillat.

§ 6. Kommunimi isumaginninnermut allaffik suleqatigiinnut pilersinneqartunut allattoqarfiunissaminut pisussaavoq.

§ 7. Isumaginninnermi Naalackersuisoq oqartussaasoqarfiit assigiinngitsunik suliallit suleqatigiinnerat pillugu najoqqutassianik malittarisassiorsinnaavoq.

§ 8. Peqqussut manna atulerpoq 1. januar 1983.

Kalaallit Nunaanni Namminersornerullutik Oqartussat, 1. november 1982

Jonathan Motzfeldt

/

Moses Olsen